

علوم اقتصادی و اجتماعی

مجموعہ نگار

مرآۃ اؤن بشجی کونی نشر اولنور

مؤسسلری :

احمد شعیب ، رضا توفیق ، محمد جاوید

مذہبہات :

خلافت و سلطنت : احمد شعیب . — امتیازات مذہبیہ :
 احمد شعیب . — تصنیف علوم — بعض مقدمات فلسفیہ :
 رضا توفیق . — بین الملل اخصائیات انیسٹیتوسی : محمد جاوید . —
 فرانسه اختلال کیری : احمد شعیب . — تجارت بحیرہ : احمد مختار . —
 نشریات و وقایع اقتصادی : محمد جاوید . —

مدیر و صاحب امتیازی :

محمد جاوید

نسخہ سی : ۱۰ غروش

استانبول

امور ادارہ و تحریرہ : باب عالی جادہ سندہ ہیرول مطبعہ سی ، نومبر ۶۶

فلسفہ کی روشنی میں

— مابعد —

ہوتوں ہوشیار ارثاً انتقال آیدن و قبلہ مرزہ اعتبادی بر شکل و صورت
آلات خصائل اندر؛ بالذات تدقیق و تجربہ نتیجہ سی دکلدرد۔ اوراہ ال
سورولک ایستلیدیکی زمان مهم بر صورتہ حس اولونیورکہ قلب معنوی
احتمال کہ ضرباندن قالا حق۔ اک سربست فکری اولان دہقارت بیلہ یوکا
جسمارت ایدہ میہرک اگری یولاردن کیدیور۔ والحاصل اون یدنجی عصرده
افکار اساسیہ نی تدارک آیدن نصرانیت اولوب عقل برواسطہ ایدی۔
وظیفہ سی دہ انسانلری آبی خریستیان ایتمکدن عبارتدی۔ بالآخرہ روللر
دکیشیور۔ غرضہ برنجی موقعدن ایکنجی یہ اینہرک عقل اونک یرینہ قائم
اولویور۔ اولا خریستیانیت و حکومت مستبدہ نک یادیفی قنالقر غنغہ نک
حکم ونفوذنی کسر ایدیور؛ ثانیاً علم کشفیات متوالیہ سبلہ عقلی برنجی
درجہ یہ ترفیع ایدیور ویدرنی افکار اساسیہ عقلک مهاجراتی قارشیندہ
یقامایہ باشلیور۔ تدقیق و امتحان معبد ممنوعہ کیرہرک دولت، قانون، عادت،
خریستیانیت محافظہ ویا بر طرف ایدلک ایچون نظریہ جدیدہ یہ توفیقاً
برررر تحلیل ایدیلیور۔ اگر نظریہ تام وعقلده تاریخ ایلہ منور اولسہ
ایدی مقامنہ کچہ جکی رقبینی آکلار واوکا کورہ معاملہ ایدردی۔ برغاصب
عد ایدہ جکی یردہ اونی برویوک ہمیشہ کی طانیہرق حصہ سنی افراز وترک
ایلردی۔ یا ککش بر فکر موروثده یلنمین بر نوع عقلدر۔ اونک منجی
علم کی مدید برتراکم تجاربدر۔ انسانلر برچوق تجارب و تجرباندن صوکرہ

مثلاً شویله برطرزده دوشونمکی ، یاشامای حال و موقلرینه اکزیاذه قابل تطبیق ، اکزیاذه فائدهلی اوله جغی اکلامشاردر . افکار باطله کیاست اعصارک جمعیه نقل ابتدکی بر میراث قیتمداردر . بوافکار دفعهٔ اورتادن غائب اولسه جمعیت در حال حال وحشته عودت ایدر ؛ یعنی اندیشناکه آج ، سرسری بر قورد اولور . نیته کیم وقتیله باطیل قدیمه دیه اکلندیکمز بومیراث یوقدی ؛ ایوم بهض قبائل وحشیه ینه محرومدر . ایلاک ، فسالق دیدیکمز شیرل بشریت ابتدایه نک تماماً مجهولی ایدی . اونک ایچین یالکز قوت واردی . اختیارلری اولدورمک و بعضاً ده مک همان بوتون اقوام ابتدایه ده عمومی برشیدی . بوکون بزه یک بسیط کورون فکر عالمه ، اخلاق ، ملکیت ، رقت ، مرحمت کی حیسانه مالکیت ایچین اجدادیمزک یوزلرله عصر یاشامسی ایجاب ایدی . عناصر روحیه انواعک عناصر تشریحیه سی کی غایت آغیر تراکم ارثی ایله تبدل ایدر . وتکامل مدنیاتک قسم اعظمی ایشته بوتبدلانه وابسته در . و بنرسمایه ده وحشی برقیله دن یاواش یاواش بر جمعیت انسانیه تشکل ایتمشدر . بر عادت نه قدر عمومی وقدم ایسه اودها زیاده اسباب اجتماعیه ، فیزیولوژییه ، صحیه و عمیق اوزرینه مؤسدر . مثلاً بویوک قاروش حقندن مقصد وقتیله چته نک اطاعت ایده کی قوماندانی ، یاخود مالکانه بی محافظه ایله جک بر رئیس تعیین ایتمکی . ایشته عادت بر امر مشروع کی قبول ایتمک ایچین بویه بر طاقم اسباب واردر . دینک لزوم و محافظه سنده کی اسباب ایسه دها علویدر . هر جمعیه دین قیتمدار وطیعی بر عضودر . انسانلر نامتاهی دوشونمک وایی یاشامق ایچین دینه محتاجدرلر . فرض محال قیلندن دفعهٔ دین اورتادن قالقسه انسانلرک روحلرنده عظیم مؤلم بر یوشلق قالاچق و بربرینه دهها زیاده فنالق ایده جکلردر . دیگر طرفندن

دینی قلب بشردن چیقارمایه چالیشمقده فائدهسز بر تجربه در . چونکه اوکا دوقونمق ایستین اللر آنجق ظرفنه تماس ایدم جک ؛ وقائی بر عملیه دن صوکره اوینه تکرار بیته جکدر ؛ تخم او قدر درین درکه چیقارمق ممکن دکدر . دینسز کچنلر بیله سوسیالیزم نامی آلتنده رکاشانه خیال قورمقدن کنسیدلرینی منع ایدم میورلر ! دین وعادتدن صوکره دولتی ده نظردقته آلمالیدر . بعض مملکتلر دن ماعدادولت لک منشای ، اساسی برهؤسسه عسکریه در . مثلاً بر آدم اطرافنه بعض اصداق جلب ایدرک اجابی طرده ، حیدودلری محو ، امتیاتی اعاده ، زراعتی احیا و وطنی تأسیس ایلیرک اونی بر مالکانه کی احفادینه ترک ایشدر .

اون سکزنجی عصرده کی وثائق ، واستعدادات بوغنضات تاریخیه نك اهمیتنی آکلایه حق درجه ده دکلدی . اولاً تاریخ یلغیوردی . آغیر و جان صیقچی معلوماتدن نفرت ، تقدادن ایسه هیچ خوشلانمیورلردی . زواللی مونتهسکیو اثرینی اوقوتاتیلک ایچین قانون اوزرینه لطیفه لر ، نکتله یاییوردی . کوزل اسلوب مراقی حائر اهمیت وقعه لری یارطرف ویاتخریف ایدیوردی . مؤلف شخصیتدن تجرد ایدم میوردی . مؤسساتک روحنه نفوذ ایدم مدکله کی ماضی بی بیلدکلرندن حالی ده آکلایه میورلردی . کویلو ، عمله ، بورژوا حقننده هیچ بر فکره مالک دکلردی . بو صنف جمعیت دائماً سلسلی برهوا ایچنده کورولیوردی . زادکان انشای سیاحته آره لقدن ملتی کورمشلر سه بوچفتلکده کز رکن حیوانات اهلیه لرینی کورمک قیلندن ایدی .

فقط مدیدر قیت ذلیله آلتنده ازیلن بو خلقک هویت مظلوم سنی هیچ کشف ایدم میورلر ، اونک روح مقهورنده کی درین کینی ، حادثات عمومیه بی ، حقوق مجرده بی آکلامقده کی عدم لیاقتی ، قویونلره بکزه بن قورقوسنی ،

بوتون فوران شدت متهمه سیله قاروب طاشه جق مایه بیعتی اصلاندیق
ایتمورلر . بوتون بوسجایای مشترکی اختلال میدان چیقاراجق در .
یکرمی میلیوندن زیاده برکتله قرون وسطانک حالت روحیه سنی هان
کچمشدی . بناء علیه اقامت ایندیکی بنای اجتماعی بی تا تمندن یقوب
محو ایتک ، بر جنت ، بر خطوه فسونکار ایله پایه بلند تکملاتدن آتلاقمق
برخیال محالدی . بنای متفسخک تمللرینی محافظه ایدرک اوننی تمیزله مک ،
بنجرملر آچق ، دلیکدر کشاد ایتک لازمدی . اختلال کیر بوتمللری
بوس بوتون قالدیرمقله فرانسزلر تام اون سنه آچقده خیمه نشین اولمشلر
وبالآ خره ینه حال سابقه عودت ایتشلردر . سکمبرما اولان عمای عمومی
ایچنده یالکزر مونتسکیو بوافراط مجنونانهک وخامت نتایجی اولدقجه
کورویور ، وفیرطینهک بوارققی حس ایدیوردی . عصرک اک معلوماتلی ،
اک موازنه لی قفاسی مونتسکیو ایدی . لکن تک باشنه قالان بوداهی سیاستک
افکار عمومییه اوزرنده نفوذی یوق کیدی . غننه بر فکر باطل ، قرالیت
بر اثر غضب اولدینی سوبله نیوردی . ایشته عقل مسلح برایکی قولله محاربه
ایده جک .

بوسفر عظیمده ایکی بویوک مرحله وار : بری عقل نظری ، دیگری
مشتهیات عقوره ولوث احتراصاتدر . عقل یاری یولده قالدینی حالده
احتراصات صوکنه قدر دوام ایدیور . ایلک محاربه ده دشمندن مدافعات
خارجیه وحدود اوزرنده کی استحکاماتی ضبط اولونیور . اردوی فلسفی بی
وولنر سوق واداره ایدیور . النده متون تاریخ خرسنیاییتی باشند نهایته
قدر تنقید ایدیور . صوکره آنسیقلوبه دیستار کلیور . بونلردن بعضلری
دالامبر کی شکیوندن ؛ بر قسمی ده لامارک کی نیم پانته یست .
دیگرلری ، هولباخ وقوندورسه کی بوس بوتون دینسر ، بونلر فلسفه

نقطه سندن یکدیگر نندن مستقل اولقله برابر عنعنایی بردشمن صفتیله قبول
 خصوصنده متفق درلر . عقل ایله عنعنه نك عینی قلعہیی متفقاً مدافعه
 ایده بیله جکئی رد ایدیورلر . وخطرات مکرمة ماضینك مقام تجیلده
 طوطدنی الك مقدس شیرله هجوم ایلورلر . قوانین مدنیہ و سیاسیه
 اساسندن صارصیلور . دیدرویه کوره نکاح دائمی وعفت موضوعات
 کاذبه دن ؛ بری ارککلرک نتیجه ظلی اوتہ کی البسه کی بر اثر اختراع .
 بواباطیل قدیمه حبسخانه سی آچیلهرق آرتق هر طرفه حر بر هوانه و ذایتملی
 دیور . طبیعتہ عودت ، یعنی جمعیتی فسخ ایتک . ایشته بوتون آنسقلوبه دیستلر
 طابورینك فریاد حربی !

باشقه بر جهتدنده عینی فریاد یوکسه لیور . بوروصو و سوسیالیستلر
 اردوسی . اولرده تشکیلات ملیه واداریه هجوم ایدیورلر . روصویی شبه
 ممتازیت فطرته مالک . لکن آن طفولیتدنبری قعر روحنده برنخم جنت
 وار . بوجنت پیدر پی دال بوداق صالیویره رک روصویی بوس بوتون
 دلی ایدیور . یکانه قاعده سی حساسیتدر . چونکه روصوده احتساست ،
 هیجانات ، تمایل پک کوتلی ایدی . شایان حیرت برمفکره فقط موازنه سز .
 شاعر حقیقی وشاعر مریض . حقایق اشیایی صفوت کامله سیله هیچ
 برزمان مشاهده ایتیمور ، دائماً عالم خیالده یاشایور . اودرجه ده که خیالی
 حقیقت عد ایدیور ؛ ارادتنه مالک دکل . هر آدمینده بریره چارپارق
 دوشیور ، کیرله نیور . لکن اینجه ودرین حسلرینی ، سفالت بشریه
 قارشئی کوز یاشلرینی ، عدالت خیالیهیی دائماً محافظه ایدیور . بونلر اوילה
 زنده کوکلرکه ایچنده برنسغ عالینجاب جولان ایلور . لکن اوراق واعصانی
 خشین برهوا آلتنده تبدیل شکل ایدرک فنالشیور . خارق العاده و آهنگسز
 بر بنیة دماغیه که ایجاد ایتدیکی کابوس ایچنده محو اولوب کیدیور !

روصو بر معمدر . جنت درجه سنده . کندیسله مشغول اولدیغندن
 عالمده کندنندن ماعداده کیسه بی کور میور . انسانلری ماهیت اصلیه لری
 کی دکل مخیله سنده وجود ویردیکی شکل و صورتده تصور ایدیور .
 شخصی برآموزج بشر کی کوستر مک ایستیور . اعتراف ذنوب ایدرکن
 صانکه نوع بشره اعتراف کناه ایتدیریور ظننده بولنیور . روصو
 انسانلرک اوکنه چیقارق : « بن بوآمدن دها اییم دیمکه جسارت
 ایده بیله جک ایچکزدن برک آدم وارمی ؟ » سؤالی ایراد ایدیور . بو قدر
 فضایی بعض احوال خارجیه دن منبعدر :

« اگر آبی برآستادک آنه دوشمش اولسه یدم آبی برخرستیان، آبی بر
 حالبه پدزی، آبی بردوست، آبی بر عمله والاصل بوتون معناسیله هر خصوصده
 آبی بر آدم اوله جق ایدم . » ایسته یوصورتله بوتون قباحث جمعیتده در .
 عمومیتله انسانک حرکات ابتدائیه سی دائماً دوغرودر . خلقی اعتباریله
 عدالت وانتظامی سون بر مخلوقدر . بوفکر مرکزینک اطرافنده اسپریتو
 آلیست نظریه سی اخذ موقع ایدیور : بو درجه علوی واصیل بر مخلوق
 یالکز ماده دن مرکب اولاماز . بر روحه مالکدرکه لایموتدر . وجدان
 ایسه الهی، سماوی برصدادر . بوتون اعضای انسانی آهنگدار والزمدر .
 هیچ بری حد داننده مضر دکلدر . قباحث بزده ، جمعیتده ، حکومتده ،
 مجنونانه قانونلرنده در . بولری اورتادن قالدیریگز، انسانلر دکل یالکز
 بختیار، فضیلتپرستده اوله جق در . سوابق تاریخیه دن تعامی ایله منطق
 وطبیعت خلافتده تفکرات اصلاحیه . دیدرو وهولباخ ایله افق منور
 املده مغفل برحیات سعادت مرئی . روصو ایله ائلمده دسته ازهار آمالک
 شکوفه سعادت بی بولیورم . اوجاع محرومیتله ایکله یین بدبختان انسانیت
 بوسلسله سفسطیاتی بر حقیقت کی قبول ایدیورلر . مشعش جمله لر آلتده

تمنیکار سعادت نشیده لر خلقه ضلالت وجدان ایراث ایلور . هر طرفده
 بر کرسی اضلال ، تصورات رنگا رنگ ، توابع ضاله پیدا اولور .
 بوتون بوفلسوفلر بر کاهن لایحطی کی اداره لسان ایدیورلر .
 موجب اندیشه وانتباه حقیقتلر باغیران خطابه ایفاظ وارشادیوق ا شرائط
 اجتماعی و محیطیه نظر دفته آلتایور . هر یرده عینی فقرات اغفال تکرر
 ایدیور . نظریه جدیده نك آچی اسلوبی ، مظالم بلاغتی آلتنده کی زهر نك
 سوزلری صالونلری دلهره جکرگاه ملته قدر کیدیور . بوجاهل ، مضطرب
 خلقه شیمیدی به قدر هیچ کیسه خطاب ایتمه مشدی . ایلک دفعه اوله رق
 مدید بزرسله سنین اضطرابك آلام و فجایعی اکلان بر ترجمانه تصادف
 ایدیور . ارتق بومعما انکیز طبقه ده مستعدانشعال بر غلیان حاصل اولمقده
 و مخرب سبحایسی قهرماننك دعوتنه اجابت ایتک ایچین حرکت کک
 اوزره در . روصو صالون حیاتندن صیقیلیور . شوخ و شاطر ، ظریف
 و نکته پرداز اولق صنعتی بیلیمور ؛ کوزل جمله لر مردیوندن اینرکن
 خاطربنه کلیور . سوس خوشنه کیتور . تربیه و نزاکت اونك نظرنده
 بر کذب ، مصاحبه بر کوه زه اك ، نکته دانلق بر کوسته ریش ، علم بر
 شارلاتانلق ، فلسفه ساخته بر طور ، اخلاق وعادات بر تمفن ، لوثر .
 روصویه هرشی ، ادبیات و موسیقی ، حکومت و مذهب ... بونلرک هپسی
 ساخته ، غیر طبیعی ، قنادر . علومك فائده و خدمتی مشکوک و بی فائده در .
 انحق جدالجو وایشسرلر ایچین بر غدار . ادبیات و صنایع نفیسه روح
 بشری نسوی یایق ایچین آبی در . بونلر جمیئتک تپه سنده ویزلده رقی
 غذای مشترکی امن کوچوک حشرات سورونه مخصوصدر . علومدن
 یالکز بریسی الزمدر . بوده وظائفمز . بونیده حس صمیمی اخوت بزه
 اوکرتمک کافیدر . صناعت خصوصنده انحق اکمک پیشین ، مسکن انشا

ایدن ، البسه دیکن ، سلاح یابان اقسامی قابل مدافعه در . حیاته طریقی
 مستقیم تارلارک یولیدر . هر کس اوراده اکر ، بیجر ، قومشولرینی
 کندیسيله مساوی طوتار و خدمتکارلرینه دوست معامله سی ایدر . صنوف
 جمعیتده انجق چالیشانلر بالخاصه اللریله اوغراشان ارباب مساعی شایان
 حرمتدر . کندیلرینی انسانیتک اک منور قسمی عد ایدن وصالونلرده
 کوه زملکدن باشقه برشی یایمابان ایشسر زادگان انسانیتک طفیلاتیدر .
 مدنیت هر نقطه دن فنا فقط جمعیت ده برباء . مساوات ابتدائییه
 محوایدهرک غصبیدن عبارت اولان ملکیت و حکومتی تأسیس ایدن جمعیتدر .
 روصونک نظریه سی ایچندن جمعیته داخل اولدوغی وقت هریری دولو
 بولان ، چوجوقلرینی خسته خانه یه ترک ایدن ، حیاتی قازانق ایچین انواع
 صنعتلر احرا ایتکده مضطر قالان زواللینک فریادی ایشیدیلور ! بوتون
 جمعیتک فوایدی ، دیور روصو ، اصحاب یسار واقتدار ایچین دگلی ؟ اکرکاری
 مأموریتلر اونلر طرفندن اشغال ایدیلورمی ؟ حکومت عمومیه اونلرک لهنده
 دگلی ؟ اغیانک حقوقی یاننده فقیرک نوحه سی نه درجه مؤثرا انسانیت بو حیات
 سفالت وعجزه نه قدر مدیون ایسه جمعیتده او قدر ویرمکدن امتناع ایدیلور .
 آج دیرمق حقنه مالک اولدینی بوتون قابولر کندیسنه قارشى مسدود . بوناصل
 برضربه استهزا ! بونالیحی حمله مشقت واضطراب هپ فقرانک دوش مختنده .
 عصرلردنبری محروم معرفت و حمایت . شان ملت ، سعادت عمومیه ... هپ
 مغفل سوزلر ... ملت سلاح بدست کیسه سنی ایستین بر حیدودک قارشیدنده
 بولونیور . اوکا کیسه سنی ویرمکه نه دن مجبور اولسون . حیدودک قولی
 بونکوب سلاحنی الندن آلدینی زمان کیسه سنی ده استرداد ایده جک .
 صوکره صحنه یه بر طاقم متعصبلر چقیورکه بونلر دینسرلکی بر عقیده
 مجبوریه و بر وظیفه علویه یاییورلر . سوسیالیستلر خودکاملنی قالدیرمق

ایمچین اشتراك اموالی توصیه ایدیور و بر جمهوریت تأسیس ایدیورلر .
 بوجهوریتده حق تصرف دینیلن اثر سرقتی اعادهیه چالیشه حق اولانلار
 دشمن انسانیت عدایله برجنون متهور کی مقابله کوره جک ! ایشه
 مختلف مواد انفلاقیه ، هپسی مختلف تعبیلر ومتنوع مهاجمات ایله عینی
 نتیجه کلیورلر . بوتون مؤسسات اساسندن بالاطه لنیور . حکمفرما اولان
 فلسفه اجتماعیه دین ودولتدن ، عادات و اخلاقدن هر نوع حکم ونفوذی
 آلیور . جمعیت حاضره نی ییقمق محسّران حقانیتک تمنیات مشترکه سیدر .
 آرتق کونش روی ارضده حرانسانلری تنور ایدم جک واونلر برصدای
 حاکمانه ، بر قانون مطاع اوله رق یالکز عقللری طانیه جقلر . ارتق
 ظالم بوندن ومظلوم صحائف تاریخده وحنه تماشاده کوروله جک ،
 باشند اشاغی برقصیده ایله اولان ماضی کابوسدن هیچ برنشانه قالمیه حق ،
 جمعیت جدیده عنعنات تاریخیه نك نتیجه سی دکل بلکه مساوی انسانلر
 آرا سنده ، ضیای عرفان ایچنده تدقیق اولونمش وحریت کامله ایچنده
 موافقت ایدلمش بر مقاولهیه مستند اوله حق . مقاوله اجتماعیه هندسه
 حکم ونفوذینه مالک ، بوکا هر کیم ممانعت ایلرسه دشمن نوع بشر .
 حکومت ، زادکان ، رهایین ، بونلرک هپسنی ده ویرمه لیدر . بوقوای مؤسسه یه
 قارشى عصیان بر مدافعه مشروعه در . اللرندن آلاجنمز شیلر اساساً
 برحق مشروعمزددر . اونلر بونی غصب ایتمشلردی . ایشه بوصورتله
 تصویر ایدیلن قانون اجتماعی برنوع هندسه اخلاقیه اولوب پک بسیطدر .
 بو حقایق کلامق ایمچین اوزون اوزادییه تنبعه ، ملاحظهیه احتیاج
 اولمایوب عقل نظری کافیدر . برعمله یه ، برکوبلی یه ، حقوق انسان بیا .
 نامه سنی ایضاح ایدیکز ، همان بر سیاسی شهیر اولور . آرتق امید
 اجنه خیالی آچیور ؛ برهای اشتیاق ایچنده یانوب طوتوشان زواللیلر .

بوشعشه امله قاووشق ایچین آتی منوره دوغرو اوچق ایسته‌یورلر ..
 حقایق تحریه‌دن پک غافل اولان زمانک محررلری نظرندمه اشخاصک
 موقع اجتماعی، عرقی هیچ حائر اهمیت دکل: هپسی بربرینک عینی!
 هر یرده عقل و حکمت، محاکات سالمة منطقیه حکمفرما! ملکات بشریه
 حقنده پک یوکسک بر فکر بسله نیورو هر کس هر شیء آکلامق اقتدارینی حائر در؛
 اکلایمایور سه قباحث زده درد نیور. صوکره روصوانسانک طبعاً اینی اولدینی
 ادعا ایدیور. بوتون محررلرده عین فکرده. بوخویلار جال دولتهده سرایت
 ایدیور. تورغو تربیه سیاسیة پلانی ایله اوز سنه ظرفنده فرانسز قومنک طانماز
 برحاله کله جکنی سویلیور. نه کرده انسانلرک فضائل اخلاقیه سنی حساب
 قویمقدن بحث ایدیوردی. بالآخره کویلیلرک عصیاننده اونلرده ایشته
 بوفضائل انسانیه دن بحث ایده جکلر؛ و بوکوزل سوزلری ایشیدر ایشیز
 درحال یکدیگرینی دراغوش ایده جکلر خویلیاسی!

بونوع نظریات اوله ترکیات کیمویه دندرکه قایندهده وکیماکرک التده
 قالدیجه ضرر سزدر. فقط سوقاقنده کلوب کچنلرک آغانی التده پک تهاکه لیدر.
 کوره جکزکه انشای اختلالده فرانسه نك هر نقطه سنده حاکمیت ملت نامنه
 بوتون قومونلر کندیلرینی بوتون ملت ظنیه حرکت ایده جکلر. حریت
 برآلت شرو تخریب اوله جق. عقل انسانلرده طبیعی برشی اولمادینی کی
 تفوذی ده پک آزدر. بو، فونته نله، هیوم، ژبوم... کی منورذ کالرده در.
 چونکه بوراده رقبایه تصادف ایتیور. عقلک اشغال ایتدیکی موقع دائماً
 جزئی ووظیفه‌سی درجه ثانیه ده در. انسانک حاکمیری عقلک تفوذ
 اعتباریسی آلتنده مزاج، احتیاجات و احتراصاتدر. انسانلری ادارمایدن
 بوقوای وحشیه احوال عادیهده پک کور و نمه دکلرندن ارتق اهمیتلری قالمادینی
 نظنی حاصل اولور. حقیقت حال شوکه بوتون قوای وحشیه مثلاً برنهر

برسیل کی اونلر انجق تضییق آلتنده یا تاقلزنده او یویورلر . سد مقاومتی سایه سنده اونلری اعتدله مجبور ایدیور . فوران و تخریباته قارشی فضله بر قوت لازم . حین حاجتده استبداد لرینه استبداد ایله مقابله اولنه جق . قورقو صلح و آسایشی تأمین ایدن بوقوای وحشیه نك مهالك ملحوظه سی ایچین مختلف میخانیزملر استعمال ایدیور . اولاقانون اساسی ، سوکره ، تقریق قوا و محاکم و بوتون بوشیلرک سوکنده ضابطه ، مسلح ژاندارمه کلور . بوهیزک قلبنده او یویان و لکن دائماً یاشایان وحشی به ، حیدوده ، دلی به قارشیدر .

نظریات جدیدده ایسه بوتون اقانیم ، بوتون تداییر ژاندارمه به قارشی مرتب ، حاکمیت ملت نامنه حکومتدن هر درلو حکم و نفوذ زرع ، هر درلو امتیاز ، تشبث ، قوت آلئور . ملت حاکم و حکومت اونک خدمتکاریدر . روصو دیور که ملت انجق انتخابات زماننده حاکمدر . مبعوثان ملتک و کیلیری دکل انجق قومیسرلریدر . اونلر صورت قطعیه ده برشیئه قرار ویره منزلر . ملتک بالذات تصدیق ایتدیکی قانونلر قانون دکلدر . خلق طرفندن حاکمیت ملتک صورت تفسیری آتارشی بی و بالاخره رؤسای حکومتک طرز تفسیری ده استبدادی تولید ایلیه جکدر . چونکه نظریه نك ایکی مختلف صفحه سی وار . برجهتدن حکومتی محو ایدیور ؛ دیگر جهتدن ده دولتک غیر محدود دقتاتور لکنه کیدیور .

- مابعدی وار -

احمد شعیب